

由

拳

集

由拳集卷之二十目錄

祭文

祭陳主事

祭范夫人

祭沈夫人

祭比部朱先生

祭方夫人

祭伍進士

祭史夫人

祭曾母袁太宜人

祭家司馬

祭柴方伯

祭張大司馬

由拳集卷之二十

東海屠隆長卿 著

祭文

祭陳主事文

代作

余聞之莊生莫大於秋毫而泰山為小莫壽於殤子而彭祖為天此何以故夫昧者之言泰山之與秋毫奚翅大也彭祖之與殤子奚翅壽也斯不可同日語矣若達者眎之即六合一坯也萬期一瞬也而其間泰山以坯土稱大彭祖以數百稱壽不

亦陋哉泰山大矣而與秋毫同限彭祖壽矣而與  
殤子同盡又惡取大小壽天於其間哉余觀蓬蒿  
之士繩樞甕牖藜羹糗餌至窮悴也而死尊官大  
人位列王侯身都將相華軒朱第錦衣玉食赫奕  
一時貴倨於世無雙也而亦死追其丘壠累累松  
楸陰翳白日色慘蕭條以風即蓬蒿之士與王侯  
將相俱銷沉淪埋化為異物至黠不可辨余念此  
未嘗不心惻惻動矣而營世攫物之情且令瞿然  
顧化焉嗟乎陳先生尚奚言哉方先生待詔公車

通籍金闕分

天子咫尺之符出宰大邑賢整四

馳何盛也既進列鳩署為

天子司刑於內漸登

華要榮寵矣方將奏功名當世拱手取卿相之位

以上報

明天子而下以光其九族而多口且奪

先生去矣千里之駿一蹶不起先生歎且奈何歸

而樂志東海之上即令先生高春秋為國黃髮為

士大夫羽儀豈不休哉而造物者又且奪先生太

矣嗟乎先生鬼神且忌之矧人哉余懼先生不瞑

目九原也雖然余為先生稱莊生先生倘有味乎

余言即先生位列王侯身都將相而春秋登百年以死即先生一命不沾老東海布衣以死總之死耳而先生今且成進士為王官其所以自堅者是以暴於天下即位不極而年壽不得長奚計焉且先生之所不死者固不在成進士為王官而壽不壽又何以云也彼顏回愿憲不死乎先生達者目奚不瞑九原也某等嘗與先生有同官之誼追感疇昔為先生潛焉出涕以悲願先生死也無涯而吾生也有涯以有涯哀無涯斯感之大者也先生有

知不胡廬地下邪於是相與遣一介行李采大江之蘋遙薦先生東海上先生之靈寔臨之

祭范夫人文二首

代作

生人厚薄百爾不齊揔之盡耳厚厚薄薄厚而薄薄而厚不厚不薄百爾不齊亦揔之盡耳豈有生不食其福而死不登乎大年則詹詹炎炎惟命之尤其或富貴壽考榮名厚取諸造物如是而死可以無憾而世之吊之者乃猶逆探其侈心而絕情忿哀憐之不已為造物者不亦難乎亦舛矣夫人

出自名族來相司馬公五十年司馬公為國大臣  
歸老田間多子孫又多賢也是司馬公之富貴壽  
考亦夫人之壽考也司馬公填撫夷夏名滿宇內  
是司馬公之榮名亦夫人之榮名也夫人之取諸  
造物厚矣所可憾者壽不滿百然由固有滿百死  
有而富貴榮名又或遠出夫人下其不以彼易此  
明矣夫人可無憾九原而兒女子之情所悄念哀  
憐於夫人者終不能已也何故哉冬月諸子舉襄  
事聊采蘋藻敬薦夫人夫人有知其以余言為然



與不與

名媛毓德中閨之良湘靈寶瑟南國明璫離佩蘭  
管陸離生光來相夫君周妣齊姜化洽王睢配美  
河魴薦蘋宗祏奉時蒸嘗鷄鳴待旦刺綉流黃瑟  
瑟在御和樂且康相從夫君經營四方煌煌夫君  
兼資文武晉貳夏官秉鉞於楚大江以西萬姓安  
堵慶流皇輿名在軍府天子于襄維公之庸有  
美夫人實相我公實相我公鼎鐘是勤功成掉臂  
歸老雙白芝草琳琅堦庭奕奕含飴弄孫以永朝

夕、胡奪以去、歟、返冥極、先我黃髮、哀此後昆、月入  
總帷、露下高昊、明星猶爛、吊客在門、嗟靈不滅、輝  
暎千春、駕螭導旌、行空凌雲、訪西王母、登彼崑崙  
再遊南嶽、見魏夫人、於乎黃河東注、白日西傾、何  
形弗收、何草弗零、萬物擾擾、誰者長生、今也夫人  
化矣、何驚言采澗香、言薦爾靈、向夫人而微辭、寫  
我心之怍怍、

祭沈太夫人文

代作

嗟乎人者、形也、何形弗收矣、生者、寄也、何寄弗歸

采物有大年有小年然未有不盡者也其大年也  
不取其為小年及其盡也亦小年也其小年也不  
知其有大年及其盡也亦大年也故古今旦莫也  
旦莫亦古今也萬期須臾也須臾亦萬期也鴻烹  
以前吾不得而知之鴻烹以後吾亦不得而知之  
大塊之中百千萬紀之銷沉歟莫其間者何可勝  
道市朝也而陵谷矣宮室也而立墟矣王公大人  
輿臺胥隸編戶齊民也而異物矣曾不能一瞬也  
嗟嗟形之不足恃也人獨柰何乎而以自託也竊

聞之、豈固有不盡而盡、盡而不盡者人之所自託者、庶幾是乎、萬形擾擾、吾今一形於中、而氓焉無聞、吾且為螻蟻、吾且為萍菌、是不盡而盡者也、操靈修之術、而立於不朽之林、令形亡而神在身、沒而名存、且與日月同驚、而天壤共寂焉者、是盡而不盡者也、夫陰陽田薄、大運遞遷、我思古人無一存者矣、而存者、歟、聖賢之名、是聖賢未嘗盡也、人之所自託焉者、庶幾是乎、吾郡沈太夫人之死也、人皆謂太夫人未可以死、夫未可以死、是死之也、

然人知太夫人之死而不知太夫人之不死也太  
夫人者今封君沈慕閒先生之夫人而有吾太史  
之母也太夫人之頌沈先生賢婦也而其母太史  
賢母也方諸子幼而沈先生家不造則日動拮据  
之力以潔蘋藻侑酒漿上事宗廟而下相夫子內  
收卹其家人而外以奉其賓客身所當相以內事  
無不得當所與人無不得其歡心者斯不亦為賢  
婦乎少讀書知大義窮日夜以女紅佐諸子讀書  
時時口授書義而又多作訓辭訓諸子率多名言

即操觚之士不過也斯不亦為賢母乎為婦賢為  
母又賢有令名矣是不朽之烈也今太史曠代之  
才也文妙天下而行高於古人天下知太史賢莫  
不知太史之有賢母將名載彤管且與古敬姜之  
流馳聲於萬代故人知太夫人之死而不知太夫  
人之不死也某等忝太史同年之誼為昆弟則事  
太夫人有母道焉今太夫人一旦捐館舍則無涯  
之戚獨諸子也與哉乃為太夫人稱不朽而不及  
沉痛悲傷之語蓋為太夫人言之非某等之所以

事太夫人者也。於是同聲而盡一哭，不自知其涕之無從也。太夫人有知，亮無取於是矣。

祭比部朱先生文

吁嗟乎傷哉先生之無祿，即歿也。事有不可詰者，世人往往舉而歸之天，謂茫昧窅冥，回薄推蕩，偶與之遭，誠不得其說耳。竊謂人事無論矣，即天道何為者？先生文收四海之聲，而位不登台司，才抱皇王之畧，而官不過郎署，心營六合之觀，而壽不滿五十，其連蹇而不得志也，孰扼之？其榮名一瞬

而輒告逝也孰促之方其激昂青雲也孰亨其運  
曾未幾而畢命黃壚也孰為之災謂景星鳳皇去  
不恒見見且不淄而又先生固所謂不淄而又者  
也則去亦有父者矣謂寄寶於人取不越宿先生  
者固造物所亟取也則世亦有不亟取者矣是又  
惡可知耶余觀先生儻蕩寥廓睥睨大塊之間俯  
垢氣萬物而之乎玄冥即垢氣萬物而之乎玄冥  
曷不身處人群神遊八極以市朝為隱以官為密  
以天地為蘧蘆以光陰為過客若東方生避世金



馬馬不可而顧溘焉長終也朝露晞於白日叢蘭  
敗於秋風霜蹄蹶於中路婚嫁未畢何遽為五嶽  
之遊功業未竟何輒謝人間之事吁嗟乎傷哉天  
胡畀之才胡靳之年胡發之遲而奪之速是又惡  
可知邪某等不佞辱次公太史先生壹收卹之門  
下則事先生固通家大人也今若爾庸得不潛然  
出涕以非吁嗟乎傷哉先生會稽人卒於京師會  
稽去京師數千里而遙經黃河大陸固達人所嘗  
行遊也某等願先生魂氣無北而東東且返桑梓

依立墓即不幸蚤世其平千百禩不漸滅者固有在焉某等又願先生無戚於此然先生非有戚者也薄陳絮酒敬吊先生願瞻英爽若恻怛至矣

祭方夫人文

代作

嗟嗟夫人毓德純明共孝莊肅閭閻典刑出自華胄來相太宰董正百官以均四海於鑠太宰維國之楨靈承於帝泰階是平式克內助亦曰夫人寢昌寢繁光啟後昆三台中圻國喪黃髮夫人繼之溘爾神滅遠近走哭亦孔之傷白日西馳倏忽四

御  
文  
集

霜鳴呼何流弗東何晝弗夜立壠相望賢愚共謝  
第觀古人今誰在者乃夫人則亦奚憾矣人或終  
身荆布而夫人命極一品冠誥榮封人或糟糠不  
厭而夫人肉食五鼎祿修萬鍾世有春華易零朱  
顏委棄而夫人則松柏女貞凌寒弗瘁世有中道  
移天黃鵠興悲而夫人則齊壽偕老白首同歸身  
食其福者或艱其後而夫人和九教子含飴弄孫  
蘭茁芝秀玉立溫溫粉黛芳澤或乏脩名而夫人  
之德配美周姜名在彤管千載流芳嗚呼乃夫人

則亦奚憾矣。惟以典刑淪喪，就訓諸婦，寶瑟沉湘，明珠絕浦。言念弱息，淚下不收。翩翩素車，返於蒿丘。墓未宿草，原有新楸。維靈神明，弗掩土垠。南涉崑崙，東遊蓬萊。林漿桂酒，靈弓歸來。

祭同年伍進士文

嗟天乎！何死我伍君也。君脩身砥行四十年，而得一第。夫脩身砥行四十年，而得一第，君亦良苦。方且營營乎眎四海為萬世規，政自今日始。余而輒奪之也，謂君何？君第第矣。死者何也？死矣。第何也？

譬之千將之新發於硎而輒摧之鋒也如大翼之  
南橋舉於霄漢而輒鉞之羽也如列缺之光一瞬  
而滅也朝乎青雲冥矣黃泉謂君何天乎有意於  
斯人其無意於斯人其有意於斯人也即令頡頏  
並資建非常而崇閑議奚不可其無意於斯人也  
即勿嘗以一第而令滿終彼首丘斯而已矣奈何  
從大江以西走數千里而北取一第曾未幾而溘  
死都下為遊魂余安得呼巫陽而招之又令其家  
之人悲歡錯行慶吊相仍以一第之故而重骨肉

之盛則何說也昔人忼慨沉痛興嗟於幽冥至誓  
天地以不仁方造化為小兒坐此矣夫人之無良  
即天之降罰空恹今觀於伍君故長者歆龐沉默  
又聞其居家多大節則居然好修之夫也奈何令  
好修之夫至此哉君有同袍三百人死可贖也人  
百其身人百其身即吾三百人疇無是心豈惟吾  
三百人即天下可知也余等咸壯士故嘗恥為兒  
女子涕洟今也至此夫安得不為君泣數行下雖  
然余為君稱達者之言君死且奚悲夫萬期亦須

吏也何必四十年乎即百年亦盡也光陰逆旅也  
何必都下為客乎即棄梓亦客也浮生大夢也何  
必死死乎即生亦寄也天地亦幻泡也何有一第  
乎即王侯將相皆無有也君第觀彼都人士後君  
數十年而死者雖遲速稍異都盡亦其能後天地  
而彫三光者何有其彪炳宇內稱不朽者又幾何  
人若然則君奚以悲余等又安得為君悲也

### 祭史夫人文

嗚呼夫人共孝溫溫西池佐鎮南嶽維尊下遊人

立配軋體坤二儀間氣今教立極雖雖朱絃既絳  
且適大人揚休天贊明德煌煌夫子王璿黃派列  
星佐帝崧高翼周名簡當宁風馳九州奉命 帝  
鄉視憲南土 帝曰試哉問民疾苦直指觀風衣  
繡持斧夫人治內朝夕欽欽若和五味若諧八音  
胡竟仙逝迅彼列缺霞光孤暎淒空奔月玉璫收  
聲鳳簫吹拆宛轉興歌悲乎淒列嗟嗟不有淋媛  
疇相愆人清霜夏零凍雨洗塵歸來歸來返彼天  
真返彼天真哀此士民載陳旨酒載薦香蘋涼風



肅肅素車麟麟

祭曾母袁太室人文代作

嗚呼宜人靜一端莊齊美王睢化洽姬姜相彼君子明德斯煌鳳皇于飛和鳴鏘鏘乃生兩賢戔戔時英雙珠照乘白璧連城神飈並舉驅轡揚旌彼鳳者雛頤而白晢橫鶩四海萬里瞬息造物忌完事有不測一抗青雲一摧其翼嗟嗟宜人哀情孔多沉痛過傷遂抱沉疴次君色養朝夕惟歎衣不解帶願代以身帝命延紀遂及食新於穆次君為

瓊為玫位佐秩宗聲華懸斗朝咨臥理一麾出守  
余叨同事喜得老成撫治大郡倚以長城諸所割  
割綜核維精民歌召父吏畏神明方資石畫冠冕  
三吳胡天降割婺女夜徂閭巷走視哀慟傾都秋  
風何烈蕙苑蘭枯吳人不天賢守告去奔喪而西  
大江橫霧竹馬無色父老縞素余失貞良疇與咨  
諏何嗟宜人悵焉蒿丘悵詞縮酒寫我煩憂

祭家司馬

嗚呼人而有言歲在龍蛇賢人災九沅混濁二華

連摧天崩地裂喪我大雅惡風走石雷霆震瓦楊  
烏光死妖虹如赭有星累累隕於野三歲之中而  
哭兩司馬緊兩司馬咸我心知心知已矣弦絕於  
斯身非金石當此太悲一哭眼為血再哭髻為絲  
仰天不答浮雲四馳已卯二月余病休沐鴻鯉自  
東告公奄速烹飢失哀旣定廼哭家人憐我病而  
蒿目載哭載思思我疇曩疇曩謂公一見拊掌黑  
龍感夢巖電示賞名駒踏空憤驚颯爽矯矯神巫  
視于天壤察形以機黜彼皮相督也失防荊棘風

波余行坎廩余志婆娑嶽嶠應落為人誚訶先生  
曰嘻其如命何青松不改白日可磨世寧有此大  
義哉哉肝膽相照他人則那區區管鮑千載么麼  
余歸自燕歲在丁丑公也掀髯入門握手吾家癡  
奴今解事否一官鷄肋文章敝帚努力王事庶  
其不朽冬月寒風蒼黃涉淮中瘞永歎故情斯垂  
重詞累械不宣我懷我懷夫君參差日莫天長水  
遠大江橫霧離別幾何而哲人颺去嗟哉吾公鋒  
穎嶙峋長髯偉姿僊官上真當其得意為英為雄

揚厲中原鞭駟豐隆一跌不收蝮蛇嘲龍角中私  
第遂駕冥鴻陋彼小夫坐而書空自公之東藏用  
以拙懸解外膝高朗曠達神動天遊茫洋輟輟浩  
歌鼓枻斯理超越或擘江雲或醉海月含光攝生  
以延晚節大運告盡八十迺徂吁嗟乎泰山豈不  
平滄海豈不枯萬物皆終時移數遷我有何術而  
為公延年公也環瑰神情灑落形絳珪組心眷平  
壑功名竹素雲天磅礴生步九州苑歸五嶽苑也  
何恨生亦不惡余忝國士大恩靡酬抱媿下泉鬱

紆煩憂、沉吟自傷、華屋山丘、言悲東山、恐過西州、  
中心不將涕泗交流、何以哭公、海澱山楸、何以吊  
公、生芻白茅、躬莫致之一官、羈勒望而搖尾、欲去  
無翼、原野蒼蒼、高城夜笛、吁嗟乎、白日自奔、江河  
自注、狂走傾都、哀此人群、近淚濕土、位空斷雲、嗟  
我哭聲、公平當聞、

祭柴方伯季東文

嗚呼先生、阨此大數、磊塊之姿、忠篤之慮、勿憊以  
虛、勿靡以寵、天錫貞良、宜享神祐、詰人弗福、為善

者思先生弱冠登朝德茂年青賤更中外龍矯鵠  
停何佐弗典何吐弗經智黻谿弩節皦日星洎晉  
方嶽保釐江壖正身率屬明燭潛奸大白不辱物  
莫況焉羔羊之風萬衆是宣生為貴臣布褐蕭然  
逮其晚節益勵清德立功報主罔遺餘力精誠  
乃心頭顱蚤白末路多艱才與命畸直弦曲鈞昔  
人所悲往來關陝徧歷嶮巖復構家難怛矣酸辛  
兄終母死哀號九旻人由大痛橫集一身天禍方  
烈人言未已轉盼之間大運已矣嗟乎先生脩行

良至受罰實苛從古善人仕所求多人則固然謂  
天道何伊余小子獲幸于公長安把臂遂出五秉  
余折而西公折而東傷此離析焮如飄風長逝永  
絕我心則惘惘辭寫哀哭斷雲空

祭張大司馬

吁嗟先生學闕無始德配上玄出崇竑議處垂要  
言九流冥合五色相宣玉書鴻烈秘在泰山得天  
者全用物則弘英靈間氣大嶽攸降蔽華濃郁六  
合從風朗照于春生為名臣死為明神死也何哀



吾哭我私以云我懷眷焉念昔悲從中來嗟余小子束髮授易挈登堂皇望氣觀色駒也千里相許以臆存亡滅沒一相而得命之不猶我戰載北曾我戰載北不我沮棄甲復來猶曰我武年幾何逢勞瘁良吳驚是用奮不墜人下我之不墜曰先生故天地寡寡知己寔難仲耶叔耶淚涕下泉一時氣義千古永歎精遊金石白日為寒當予失路黯矣心摧先生所是他人所非盤跚蹢躅為他人嗤為他人嗤先生是羞提身談藝庶幾無郵努力天路從茲以

往以事先生、聊答疇曩歲月云何而公淪喪洪波  
遄遷浮雲愴恍疇昔之夜脩途耿絕夢拜先生天  
為隕雪不謂神靈告我以別歸自萬里倉皇哭公  
塵沙在衣有慘其容華屋山丘先民是恫昔我侍  
燕多士咸在衆言權竒厥化若鬼先生晚出片言  
壓壘手提風雷鞭駟四海士以翕艷烝烝文采今  
也索莫喪我老成桑枯海乾風日凄清山鬼夜泣  
波臣不靈大雅茲絕黃鐘無聲喬木不陰傷哉女  
蘿岱宗新摧梁父柰何嗟我髦士涕泗江河揜日

何益哀傷孔多於乎世有高真專精靡他聖賢處  
在應景登霞古而無死癸鳩在耶侯王厮隸同為  
泥沙生無不足死又何嗟沉痛興哀高明所薄仰  
視茫茫魂兮慕廊

由拳集卷之二十一目錄

祭神文

祭河神二首

告城隍三首

祭城隍謝雨

祭張龍王

祭武安王謝雨

祭城隍謝晴

祈晴

謝晴

由拳集卷之二十一

東海屠隆長卿 著

祭神文

祭河神文二首

隆受命於朝來撫茲邑邑東門實臨大河水  
歲蓄故隄所不侵城者不一武而近慰旦莫魚龍  
挾九子而上竊其威命以馮陵我下土我下土之  
人亦曰惴惴乎罔敢寧居不佞臨河而觀之則亦  
惟大有恫于予心乃涉潁之二旬是為春王正月

六日不佞則率邑博士諸生及千夫長百夫長及  
邑之父老子弟荷耡鍤而來是興東門之役頌邑  
小而民貧歲苦不登而賦歛日急艱是役矣大恩  
不克奏厥功則敬用不腆邀寵靈於明神維神歲  
與祀典血食茲土維不鄙余小子幸哀憐元元相  
余不逮母以使者美其威權以傷余土工土工之  
成則匪曰人力寔維神休民以脫於蕩析之灾不  
佞與二三君子庶幾無郵而神亦永永歆歲祀弗  
替明德頌不遠哉其或不念黔首之命朝夕大布

其威力而行其恣睢即民其魚乎神且不血食神  
即弗念予小子其幸乎哀憐元元余小子或無道  
不仁以私利敗其官常余則有罰其幸毋駕禍我  
元元之民誠幸不鄙余小子而重哀憐下民則洪  
河一夕化為大隄惟神力爾牽鍊何為不然歲食  
溪澗之毛以普昭民力載在祀典脩事有虔而漠  
不問下民之疾苦將焉用之神之無靈余則弗敬  
爾維神其罔之

頻年夾洪水為妖故隄不守天吳之屬得以行其

威靈薄我城垣震驚有衆馬蹶不用空桑安歸民  
大恩不克保厥室家隆受命下車父老郊迎語  
我以故長跼請命焉隆是用朝夕廩廩不皇寧居  
躬率萬姓負耆鍾而前以天之道鬼神之靈歆下  
尺一境內雲集萬夫雷動不假鞭箠使其民奏功  
旬日黔首不怨豈惟不怨道路載驩則亦惟明神  
鑒我款款陰隲下民神休大哉隆敬率諸執事薦  
介蘋藻用申報祀以章明伐今陛下仁聖閔念  
萬方隆亦日有兢兢務澡行脩事無黷債無滯刑



計安元元至切也神之聽之其聿無以大水傷我  
土功莫我民居予或有黷貨有滔刑予是用罰其  
無以我民民之奠安神則血食民之流離神則不  
血食靈爽肅肅聞予此言

一告城隍文

隆猥以疎庸謬司民社自拉任來雖頗知祗慎惟  
守官箴第吏事未閒世情多闇奉職無狀舉動乖  
方民瘼罔聞恩澤不究以致下積罪戾上干天和  
官之不德明神是譴降割下民始以雨雹傷我麥

苗今復允賜妨我穡事三農失望萬姓嗷嗷皆隆  
不職之所致也釁不虛作罪將安逃隆雖竄在荒  
鄙尚無以謝萬姓是用蚤夜皇思不遑寧居敢率  
邑人頓首謝過為下民請命隆昔嘗有云官之不  
德余則有罰其幸無以我民明神凜焉在上敢忘  
此言神若許隆洗心滌慮與以自新哀憐元元而  
屨收之幸即賜時雨蘇我豆菽乃亦有秋下民萬  
幸隆有罪戾余自當之敬竢下風不任悚息

再告城隍文

隆聞天人涉於氣類感應疾於桴鼓匹夫匹婦一  
念精誠往往感天地動鬼神故庶女召風烈士殞  
霜大憤觸虹繁寃積旱洛陽澍霖廣微應禱往牒  
所載信而有徵維感應之理自古有之隆竊滋慙  
隆本疎庸天子不以隆不肖令得承乏茲土下  
車以來恒恐得罪士民有負主上朝夕悚惕若  
履春冰奈文墨豎儒初出涉世民情土俗多所未  
諳乖謬顛錯深慙不敏至於洗心提身砥厲方切  
營私滅公秋毫不敢庶幾少逭罪尤上不負天

子下不媿交遊無敗身名無辱九族乃若升沉顯晦彼有主者寧敢與知此實隆之所用朝夕廩廩者也乃竟以寡昧得過神明皇天降割及我下民曩大雨雹加之虫蝕為災傷我麥苗蠹忝小臣睹形思咎剪焉震慙捏杌心蒐不意入夏來復遭恒暘赤地百里將使麥秋旣損於災傷禾稼復稿於旱暵萬姓嗷嗷莫必其命民則何罪厥咎維官雖赤日露暴席藁自焚不足以逭用是齋戒自新敬率同官及邑父老子弟頓首請罪徧告羣神奈何

盛賜轉亢天心未回俯仰高廣無所控訴衆視憂  
皇不知所出乃反復自度捫心思過隆生三十六  
年於茲矣自爲諸生家喪貧賤京兆落而亡狀踈  
宕而不合物情行已多訾瑕瑜莫掩然自知美美  
惡惡萬念皆真雖多冒其事之所非而甚不好行  
其心之所不忍以故從有知識以來未嘗敢對人  
出一嫻語妒一恒物殺一生豕肉不欺其妻子外  
不欺其友朋兩儀布列百神森羅隆恩殞越言敢  
誰欺乎今茲蒞官自恨夙不開於庶務吏治多缺

民不蒙休然何敢營私黷貨以干三尺而敗官守  
哉而災旱終沴怨咎相仍私中不孚祈禱罔應此  
隆之所以栗栗憂慙又竊恥之者也既而展轉深  
維天道寥遠神理茫昧忠信不諒從古且然顧隆  
何人平生非有魯史之行龍比之心一念云何而  
遂晏圖感應即幸而得雨猶為僥倖不幸而不雨  
乃其固常既又思之先朝李夢陽有云父母不棄  
改過之子天地亦鑒洗心之物隆雖不肖行負神  
明然居官猶知自守不私一錢祈禱猶知至誠不

御酒肉豔固有貪殘者祈雨禁屠宰齊戒而私食  
肉飲酒者而往往得雨何哉夫居官知守祈禱知  
誠而不得雨居官貪殘者祈而禁屠宰齊戒而私  
食肉飲酒者而碩得雨此何以勸焉若天地百神  
湯不問下土之情譬之蚊蚋起滅去來無心雨即  
雨不雨即不雨是皆係遑然爾舉感應之理而卒  
歸之寡遠茫昧此又何以勸焉夫以隆之踈庸寧  
敢自謂竄過哉疇昔之告於明神者儼焉在耳官  
之不德余則有罰其無以我民其剪而賜之遐荒

其抑而沉之下僚褫其祿位而降之疾青隆不敢  
悔其幸無以我民我賴民之困救極矣下邑非有  
燕齊秦楚吳越閩廣山川土田通都大邑沃壤上  
腴舟車水陸啻賈魚鹽珠玉紈綺之饒草屋泥垣  
布衣糲食富者菽麥之外無長物貧者居無宿糧  
朝不謀夕而又日困於征輸苦於敲扑其民一逋  
官租輒賣田產鬻妻子蓋十室而七八焉亦可哀  
矣奈何復令遭此荒旱為隆嘗抱衾痛之辭為下  
民請命監司監司為不聞也者今為請命明神而



明神又不聞令隆跼蹐迷塗倉皇安之猥茲下情  
寸私蘊結是以忘其固陋披心敷詞非敢煩虛文  
以欺人飾遊詞以瀆神聽也伏乞少寬譴怒氣憐  
下民大降時雨蘓我禾稼保我室家干冒明威豈  
勝戰汗

### 三告城隍文

隆之待命於神至矣今日之事隆之所能者竭誠  
殫慮洗心澡行不憚勤苦如是而已他何能為下  
邑邑小而貧今復加之災傷翦焉告困神所知也

隆今之一官以為桎梏養性之具罔敢厚而厚之  
任重之憂形神勞瘁計窮力竭又神所知也日隳  
詞凱切効其款款之誠而神不應無可奈何日疲  
私念從入官以來行事罪狀以頻首謝過而神不  
應又無可奈何赤日暴中庭從朝至暮委頓幾絕  
而神又不應此何為哉維神受命於帝為城隍隆  
受命於帝為宰牧即地方之責神安得晏然神即  
不為隆言不念及黔首哉今夫廝養牧豎秉一念  
精誠禱於神神亦當應之宇宙高廣何所不容

神爽英靈何所不答固無棄物也隆雖不肖才疎  
行劣猶以薄祇成進士齒於縉紳 天子賜之印  
綬俾司民牧今之職任固主上命也豈以 天子  
命為宰牧儼然臨於士民之上而神以為副末不  
足與應答曾不得比於廝養牧豎之流當不然矣  
且隆雖不肖初入仕版即知廩廩祗愆行事罪狀  
雖或有瞽不自知然自下車來未嘗敢一置身於  
貪殘私一錢乎戕一物乎懷私滅公平以關節廢  
三尺乎有之則維神所殛矣又蚤疾皇皇問民所

疾苦超雪冤枉拯救苦難折獄之事小大以情從  
孔子節愛之語受釋氏慈悲之教蓋無日無之由  
此言之隆雖不敢自列於循良而於不才有司中  
猶未為太甚也平日自謂亦無大過士民今茲  
良苦萬姓無不心憐余涕泣相向而神以為必不  
足與應答當不然矣坐視哀苦漫不省憂何為哉  
藉使天禍賴上吾民當灾而神不得請於上帝或  
臣罪當誅以為貪殘之戒不得不降灾茲土則士  
民之愚誠亦至矣其官是咎其民何罪神亦宜告

我以故用一束見靈爽以示不忘我民而神不失  
職諸所譴罪臣請受而甘心焉奈何收視絕響疾  
呼不聞宵冥寂滅僅同槁木靈安之乎何以神茲  
土為也又何以歲血食也而令隆與士民就槁木  
而乞靈即碎首焚身何益哉激切再陳神其圖之  
隆謹悚息聽命

祭城隍謝雨文

嗚呼維神若舊靈爽何灼灼也當不穀隆竭誠禱  
神二日不雨則暴赤日中越二日又不雨為文告

於神者三千冒威靈罪過大矣神鑒我無他為下  
民請命私憂激乃深中不以為罪而與之荅應如  
響方暴中遮日落乃已即夕玄雲四合詰朝而雨  
二之日又雨三之日乃大雨竟夕土膏滋潤溝塍  
水深數尺稿蘓仆起原田油油遠近奔走婦子騷  
呼神之惠我下民即起白骨而肉之也抑此神休  
有四焉吹萬希德舍生懷潤仁愛洽矣谷神饗荅  
應時澍雨靈貺肅矣不鄙夷小子不罪激切之言  
覆茹弘矣神理孔章毫髮不爽令僕詐知恩善良

益勸銷折姦萌佑翼新媾教植廣矣豈惟下民即  
不殺隆於此乃益有以信天人感應之理冥冥之  
中何幽不燭何細不察何私不聞何物不答俾彼  
大明灼我遐遠媾媾惡惡疇能逃者不殺降竊滋  
思矣而省愆砥行寧敢怠時故余於此一事而知  
神位之大也故陳不腆率官吏諸生及邑父老子  
弟頓首報謝伏惟明神財答

祭張龍王文

維神乘雲躡空呼吸陰陽吐納靈潮鼓鑄禹品德

莫玄馬功莫鉅焉始自李唐迄我 皇朝昭明一  
日也戊寅之歲歲大旱隆齋宿敬禱於神神不以  
隆為菲薄幸惠碩元元之民降以甘雨雨乃時四  
郊霑足萬姓欣藉神休大哉隆又敬用不腆偕邑  
博士若文學諸生若干夫長百夫長若父老子弟  
頓首祠下用陳謝悰神爽在乎風肅肅來矣始與  
神約重修廟宇隆當躬率邑人伐木輦土而來不  
敢卒負

祭武安王謝雨文



維王耿亮正直忠憤激烈生為人傑死為天神感  
繫萬夫磊落千古形亡神在歷代揚靈至於天朝  
尤為顯灼赤縣神州蠻貊絕域貴而王公賤而養  
卒上及賢豪詰人下及匹夫匹婦罔不望王之靈  
蒲伏祠下大江以南長淮以壯徐泗芒碭之間乃  
王經營故地英靈蓋尤顯焉父老往往談王使人  
髮立夫豈獨以其驍雄神武稱萬人敵哉其大者  
辨順逆於勛勦明漢賊於血戰識真主於草澤周  
旋多難九死不回義指泰山心同皦日荀息有言

竭股肱之力繼之以忠貞不濟則以死繼之維王  
有焉千載而下所以折奸雄之氣激壯士之肝此  
其大都烈烈者歲在戊寅賴上大旱隆則大懼怒  
焉疚心敬率有衆虎拜稽顙禱於王祠維王靈爽  
肅肅德音孔昭哀此下民應時乃雨回我枯槁起  
我僵仆是王有大造於賴人也下邑之人敢忘神  
貺隆又敬率有衆殺牲陳詞用申昭報王其鑒之

祭城隍謝晴文

嗚呼今而後隆乃知神之惠我民至也上帝在上

百神布列幽隱灼於皦日咿嚶響於雷霆萬物細  
微莫逃朗鑒夫旱之與潦皆為民災五穀不登則  
下民無生民之無生令將安歸流離疾苦行道心  
傷隆承命出宰待罪下邑境內之事休戚共之綰  
符食祿土苴黎庶臣獨何心夏五月不雨隆率士  
民以旱請神應時而雨之至六月霖雨浹辰隆又  
率士民以雨請神又應時而雨止若響答焉此豈  
隆鯁鯁之誠為足以感祐明爽哉則神之惠我民  
至也神不忍以旱災我民而雨又不忍以雨災我

民而止隆遭時微幸幸藉寵靈臣何力之有焉仰  
宣上帝好生之心而下有造萬物此維神休亦神  
之職也而隆敢貪以為已力乎將旱也潦也為隆  
之不德和旱而雨也雨而止也為吾民和是惡可  
知隆有廩廩祇懼爾爰率有衆用牲陳辭頓首俯  
伏敬謝鴻休隆敢不與士民益相濯磨以無負明  
命維神其鑒之

祈晴

往某寺率士民虔禱於明神業承靈貺應時晴霽

三日而某與士民大喜農事有望矣方圖省身潔  
行以答神休四之日復雨何也豈兩歲災青帝  
心有在非可以螻蟻微誠力為轉移即神明亦不  
得而與其力耶或某等細微不足動明神之聽而  
昔日之晴與今日之復雨是皆適然耶邑民之災  
極矣去歲傷於霑潦今歲復苦於陰雨將生人之  
類不復可延蠢爾賤臣言之於邑惟明神其圖之

謝晴文

嗚呼天地之大德曰生災傷萬物非其心矣人實

自灾其釐邪慝以干六氣之和民之不堪命厥咎  
有繇焉敕邑自往歲夏五月雨今春土脉甫動農  
事將興又復連遭陰雨大恐傷我來麴妨禾穡事  
以重民灾則亦惟為民父母者不能勤宣 天子  
之德意以教育民人民茲多僻以被此重灾即某  
之不職所致將焉避咎乃率官師士民自陳罪狀  
且告之悔而明神遂鑒其愚忠以請於帝是日乃  
霽以是益信天地好生人寔自灾苟有明信厥應  
如響某與士民奈何敢不敬